

# ZAKON O ADMINISTRATIVNIM TAKSAMA

SL. GLASNIK BiH, broj: 16/02, 19/02, 43/04, 8/06, 76/06, 76/07 i 3/10

## PREČIŠĆENI TEKST

**- Ovo je neslužbena prečišćena verzija navedenog zakona, što je potrebno imati u vidu pri njegovom korištenju -**

### Član 1.

Ovim zakonom uređuju se administrativne takse koje se plaćaju u postupcima pred institucijama *u Bosni i Hercegovini* i radnjama koje preduzimaju ove institucije.

### Član 2.

Administrativne takse plaćaju se za spise i radnje u upravnim stvarima kao i za druge predmete i radnje kod institucija Bosne i Hercegovine.

### Član 3.

Spisi i radnje za koje se plaća taksa kao i visina takse utvrđuje se Taksenom tarifom.

Tarifa administrativnih taksa propisuje se ovim zakonom.

### Član 3a.

Vijeće ministara Bosne i Hercegovine *može, kada to bude smatralo potrebnim, a u svrhu podmirenja troškova koji nastanu u radu ministarstva, pored taksi koje su već predviđene ovim zakonom utvrditi dodatne administrativne takse.*

Vijeće ministara Bosne i Hercegovine *može povećati i smanjiti administrativne takse koje su prethodno predviđene ovim zakonom.*

*Iznos takvih dodatnih odnosno izmijenjenih administrativnih taksi koje se mogu uvesti mora biti razuman.*

*Dodatne odnosno izmijenjene administrativne takse iz prethodnog stava uvode se odnosno mijenjaju podzakonskim aktima koje u propisanoj formi donosi dato Vijeće ministara Bosne i Hercegovine.*

### Član 4.

Takseni obveznik je lice po čijem je zahtjevu pokrenut postupak ili se vrše radnje predviđene Taksenom tarifom.

Ako za istu taksu postoje dva ili više obveznika njihova obaveza je solidarna.

## Član 5.

Ako Taksenom tarifom nije drugačije propisano, taksena obaveza nastaje:

1. za podneske - u trenutku kada se predaje, a podneske date u zapisnik - kada se zapisnik sastavlja;
2. za rješenje i druge isprave - u trenutku podnošenja zahtjeva za njihovo izdavanje;
3. za pravne radnje - u trenutku podnošenja zahtjeva za izvršenje tih radnji.

## Član 6.

Taksa se plaća u trenutku nastanka obaveze, ako ovim zakonom nije drugačije određeno.

## Član 7.

Ako je Taksenom tarifom propisano da se taksa plaća prema vrijednosti predmeta, kao osnovica za obračunavanje takse, uzima se vrijednost označena u podnesku ili ispravi ili vrijednost utvrđena procjenom organa koji vodi postupak kad postoji opravdan razlog za sumnju da vrijednost označena u podnesku ili ispravi ne odgovara stvarnoj vrijednosti.

## Član 8.

Kada se isprava za koju se plaća taksa po zahtjevu stranke izdaje u dva ili više primjeraka, za drugi i svaki daljnji primjerak plaća se taksa kao za prepis i ovjeru prepisa.

Taksa iz stava 1. ovog člana ne može biti veća od takse za prvi primjerak.

## Član 9.

U rješenju ili drugoj ispravi za koju je taksa plaćena mora se označiti da je taksa plaćena u kojem iznosu i po kojem tarifnom broju.

## Član 10.

Netaksirani ili nedovoljno taksirani podnesci i drugi spisi, izuzev oslobođenih od plaćanja takse ne smiju biti primljeni direktno od stranke.

Ako taksirani ili nedovoljno taksirani podnesak stigne poštom organ nadležan za odlučivanje po zahtjevu, pozvat će taksenog obveznika opomenom da u roku od osam dana od dana prijema opomene plati redovnu taksu i taksu za opomenu.

Nadležni organ pokrenut će postupak i po netaksiranom ili nedovoljno taksiranom podnesku iz stava 2. ovog člana, ali rješenje ili drugi akt ne može biti uručen stranci prije nego što plati taksu po opomeni.

## Član 11.

Odredbe člana 10. stav 2. ovog zakona ne primjenjuju se na podneske i druge spise koji netaksirani ili nedovoljno taksirani stignu poštom iz inozemstva, niti na ostale spise i radnje koje podliježu konzularnim

. S tim podnescima i spisima postupit će se na način propisan članom 24. ovoga zakona.

#### Član 12.

Spisi i radnje u postupcima koji se vode po službenoj dužnosti ne podliježu taksi.

#### Član 13.

Od plaćanja takse oslobođeni su:

1. institucije Bosne i Hercegovine, *entiteti, Brčko Distrikt Bosne i Hercegovine, kantoni, općine, gradovi i njihovi organi;*
2. humanitarne i dobrotvorne organizacije registrirane u Bosni i Hercegovini ;
3. strana diplomatska i konzularna predstavništva u diplomatskim i konzularnim poslovima pod uvjetima reciprociteta;
4. građani za akt o zasnivanju radnog odnosa u institucijama iz člana 2. ovog zakona.
5. *podnosioci prijava, s priložima, za ostvarivanje zakonom priznatih carinskih i poreskih olakšica.*

#### Član 14.

Oslobođeni su od takse sljedeći spisi i radnje:

1. u postupku za povraćaj nepravilno naplaćenih taksa;
2. u postupku za ispravku grešaka u rješenjima, drugim ispravama i službenim popisima (evidencijama).

#### Član 15.

U ispravama koje su oslobođene od plaćanja taksa mora se označiti u kom se cilju izdaju i na osnovu kog propisa su oslobođeni od takse.

#### Član 16.

Strani državljani pod uvjetima reciprociteta, imaju ista prava po propisima o taksama kao i državljani Bosne i Hercegovine.

#### Član 17.

*Takse se plaćaju državnim taksenim markama.*

*Izuzetno od stava 1. ovog člana, takse se uplaćuju u gotovom novcu na uplatne račune, u skladu s ovim Zakonom i to:*

1. *ako takse iznose 50,00 KM i više i*
2. *ako je posebnim zakonom propisano da se taksa uplaćuje na propisani račun, bez obzira na iznos takse."*

*Ministarstvo finansija i trezora BiH uredit će posebnim pravilnikom izdavanje, ovlaštenje za maloprodaju, visinu provizije za maloprodaju, puštanje u promet, distribuciju, povlačenje iz upotrebe i zamjenu državnih taksenih marki.*

#### Član 18.

Prisilna naplata takse vrši se po propisima entiteta o prisilnoj naplati poreza građana, odnosno po istim propisima o prisilnoj naplati poreza od pravnih lica.

#### Član 19.

Lice koje je platilo taksu koju nije bilo dužno platiti ima pravo na povrat novca u visini naplaćene takse.

Postupak za povrat takse pokreće se po zahtjevu stranke.

Rješenje o povratu takse donosi organ kome je taksa plaćena.

Povrat takse vrši se na teret prihoda budžeta Bosne i Hercegovine čijoj je instituciji taksa plaćena.

#### Član 20.

Pravo na naplatu takse zastarijeva u roku od dvije godine računajući od dana kada je taksu trebalo platiti, a pravo na povrat takse zastarijeva za dvije godine od kada je taksa plaćena.

#### Član 21.

Kontrolu primjene propisa o administrativnim taksama vrši Ministarstvo finansija i trezora.

Unutrašnju kontrolu primjene propisa o administrativnim taksama vrši svaka institucija u vršenju svoje djelatnosti.

#### Član 22.

Taksu u gotovom novcu, bez obzira na iznos takse plaćaju i takseni obveznici sa sjedištem, odnosno prebivalištem u Bosni i Hercegovini kada se iz Bosne i Hercegovine obraćaju diplomatskim i konzularnim predstavništvima Bosne i Hercegovine u inozemstvu.

Taksa iz stava 1. ovog člana plaća se u konvertibilnim markama na uplatni račun prihoda od konzularnih taksa.

Takseni obveznici koji iz inozemstva traže da im organi u Bosni i Hercegovini izvrše radnju podložnu plaćanju takse, plaćaju taksu u stranoj valuti po važećem kursu.

#### Član 23.

Ako taksa koja se plaća kod diplomatskih i konzularnih predstavništava u Bosni i Hercegovini, u inozemstvu nije plaćena unaprijed u smislu člana 5. ovoga zakona, naplata će se izvršiti prije uručjenja rješenja ili druge isprave taksenom obavezniku.

#### Član 24.

U postupku kod diplomatskih i konzularnih predstavništva Bosne i Hercegovine u inozemstvu oslobađaju se od plaćanja takse:

1. institucije u Bosni i Hercegovini;
2. spisi i radnje koji su po odredbama ovog zakona oslobođeni od taksa u Bosni i Hercegovini;
3. spisi i radnje čije je oslobađanje od taksa predviđeno međunarodnim ugovorima.

#### Član 25.

U postupku kod diplomatskih i konzularnih predstavništava Bosne i Hercegovine u inozemstvu državljani Bosne i Hercegovine koji imaju status izbjeglice u trećim zemljama plaćaju 50 % od propisane konzularne takse za putne isprave.

#### Član 26.

Pored konzularne takse, takseni obveznik tražilac usluge dužan je platiti i stvarne troškove prouzrokovane zahtjevom.

#### Član 27.

Rješenje o povratu konzularnih taksa donosi šef diplomatskog, odnosno konzularnog predstavništva Bosne i Hercegovine u inozemstvu i izvršava ga na teret tekućih prihoda od tih taksa.

#### Član 28.

Nadzor nad primjenom odredaba ovoga zakona i Tarife administrativnih taksa kod diplomatskih i konzularnih predstavništava Bosne i Hercegovine u inozemstvu, vrši Ministarstvo finansija i trezora u saradnji sa Ministarstvom vanjskih poslova.

#### Član 29.

Ovlašćuje se ministar vanjskih poslova da u saradnji sa ministrom finansija i trezora može odrediti da diplomatska i konzularna predstavništva Bosne i Hercegovine u inozemstvu naplaćuju konzularne takse od državljana pojedinih zemalja u istom iznosu u kojem te države i njihova predstavništva naplaćuju te takse od državljana Bosne i Hercegovine.

#### Član 30.

*Administrativne takse utvrđene u Tarifi su prihodi Budžeta institucija Bosne i Hercegovine i međunarodnih obaveza Bosne i Hercegovine (u daljnjem tekstu: Budžet BiH).*

*Administrativne takse koje se plaćaju u gotovom novcu, u skladu s članom 3. stav 2. ovog Zakona, plaćaju se u konvertibilnim markama u Budžet BiH, u skladu s naredbom o uplatnim računima Budžeta BiH, osim za diplomatsko-konzularna predstavništva Bosne i Hercegovine na koja se primjenjuje stav 3. ovog člana.*

*Administrativne takse utvrđene u Tarifi, u odjeljku Takse za rad diplomatsko-konzularnih predstavništava Bosne i Hercegovine, plaćaju se na devizni račun diplomatsko-konzularnih*

*predstavništava, koja ova sredstva prenose u Budžet BiH, u skladu s naredbom o uplatnim računima Budžeta BiH.*

#### Član 31.

Sastavni dio ovoga zakona je Tarifa administrativnih taksa.

*Do puštanja u promet državnih taksenih marki, plaćanje taksi vršit će se gotovim novcem.*

#### Član 32.

Ovaj zakon stupa na snagu osmoga dana od dana objave u "Službenom glasniku BiH" i objavit će se u službenim glasilima entiteta.

---

PS BiH broj 64/ž02  
3. jula 2002. godine  
Sarajevo

---

---

Predsjedavajući  
Predstavničkog doma  
Parlamentarne skupštine BiH  
**Mariofil Ljubić**, s. r.

---

Predsjedavajući  
Doma naroda  
Parlamentarne skupštine BiH  
dr. **Nikola Špirić**, s. r.

### TARIFA

#### ADMINISTRATIVNIH TAKSI

("Službeni glasnik BiH", br. 16/02, 19/02, 43/04, 8/06 i 3/08)

#### I - TAKSA ZA SPISE I RADNJE INSTITUCIJA BOSNE I HERCEGOVINE

Taksa na spise i radnje institucija Bosne i Hercegovine u Bosni i Hercegovini iznose u KM, i to:

##### 1. Podnesci

TAR. broj 1.

Za zahtjeve, molbe, prijedloge, prijave i druge podneske, ako ovom tarifom nije propisana druga taksa 5 KM

Napomena:

Za podneske koji se upućuju ili predaju diplomatskim ili konzularnim predstavništvima Bosne i Hercegovine u inozemstvu plaća se taksa određena u odjeljku II ove tarife.

TAR. broj 2.

Za žalbu protiv rješenja 10 KM

## **2. Rješenja**

TAR. broj 3.

Za sva rješenja za koja nije propisana posebna taksa 15 KM

Napomene:

1. Ako se donosi jedno rješenje po zahtjevu više osoba, taksa po ovom tarifnom broju plaća se onoliko puta koliko ima lica kojima se rješenje dostavlja.
2. Za rješenja donesena po žalbama ne plaća se taksa.

## **3. Uvjerenja**

TAR. broj 4.

Za uvjerenje, ako nije drugačije propisano 15 KM

## **4. Ovjere, prijepisi i izvodi**

TAR. broj 5.

- a) Za ovjeru potpisa i pečata u Ministarstvo civilnih poslova namijenjen za upotrebu u inozemstvu 5 KM
- b) Za svaki dalji primjerak još po 2 KM
- c) Za nadovjeru potpisa i pečata na originalu isprave u Ministarstvu vanjskih poslova 10 KM
- d) Za nadovjeru kopija, prijepisa i prijevoda u Ministarstvu vanjskih poslova 5 KM

Napomena:

Nadovjera potpisa i pečata u skladu sa ovim tarifnim brojem, odnosi se na slučajeve u kojima nadležni organ uprave ovjerava domaću ispravu zbog njene upotrebe u inozemstvu.

TAR. broj 6.

- 1) Za ovjeru originala isprava izdatih od diplomatsko-konzularnih predstavništava Bosne i Hercegovine 4 KM

2) Za ovjeru kopija i prijevoda isprava izdatih od strane diplomatsko-konzularnih predstavništava Bosne i Hercegovine 2 KM

Napomena:

Ovjere po ovom tarifnom broju vrši Ministarstvo vanjskih poslova.

TAR. broj 7.

Za ovjeru dokumenata izdatih od strane inozemnih diplomatsko - konzularnih predstavništava u Bosni i Hercegovini 10 KM

Napomena:

Ovjere po ovom tarifnom broju vrši Ministarstvo vanjskih poslova.

TAR. broj 8.

Izdavanje izvoda iz MKV od strane Ministarstva vanjskih poslova 6 KM

## **5. Mišljenja**

TAR. broj 9.

Taksa na podnesak kojim se traži mišljenje institucija Bosne i Hercegovine o različitim pitanjima primjene zakona Bosne i Hercegovine ili primjene međunarodnog prava 20 KM

## **6. Oblast međunarodnog cestovnog i vodnog transporta**

TAR. broj 10.

a) Za svaki primjerak dozvole preduzeću ili drugoj pravnoj osobi da, na redovnoj liniji u međunarodnom cestovnom transportu, može obavljati prijevoz putnika ili stvari motornim vozilima, za svaku liniju po 270 KM

b) Za svaki primjerak dozvole stranoj fizičkoj ili pravnoj osobi da, na redovnoj liniji u međunarodnom cestovnom transportu, može obavljati prijevoz putnika ili stvari motornim vozilima, i to:

1) u bilateralnom transportu po 540 KM

2) u tranzitnom transportu po 360 KM

c) Za ovjeru svakog primjerka reda vožnje, itinerera i cjenovnika redovne linije u međunarodnom cestovnom transportu kojim preduzeće, odnosno druga pravna osoba obavlja prijevoz putnika ili stvari motornim vozilom, po 20 KM

d) Za ovjeru svakog primjerka reda vožnje, itinerera i cjenovnika redovne linije u međunarodnom cestovnom transportu kojom strana fizička ili pravna osoba obavlja prijevoz putnika ili stvari motornim vozilom, po 40 KM



e) Za rješenje o odobravanju privremenog ili stalnog prekida obavljanje prijevoza na redovnoj liniji u međunarodnom cestovnom transportu putnika i stvari, i to:

- 1) za preduzeće ili drugo pravno lice 50 KM
- 2) za strano fizičko ili pravno lice 100 KM

Napomena:

1. Za spise i radnje iz ovoga tarifnog broja plaća se taksa, ako međunarodnim ugovorom nije drukčije uređena.
2. Strana fizička ili pravna osoba oslobađa se obaveze plaćanja takse po ovom tarifnom broju, pod uslovima reciprociteta.

#### TAR. broj 11.

Za dozvolu obavljanja naizmjeničnih vožnji u vanlinijskom međunarodnom cestovnom transportu putnika, i to:

- 1) u bilateralnom transportu po 120 KM
- 2) u tranzitnom transportu po 100 KM

Napomena:

1. Za spise i radnje iz ovoga tarifnog broja plaća se taksa, ako međunarodnim ugovorom nije drukčije uređeno.
2. Strana fizička ili pravna osoba oslobađa se obaveze plaćanja takse po ovom tarifnom broju, pod uslovima reciprociteta.

#### TAR. broj 12.

Za dozvolu ulaska praznih autobusa na teritoriju Bosne i Hercegovine, preuzimanje putnika i obavljanja ostalih vrsta međunarodnog vanlinijskog prijevoza putnika u cestovnom transportu 40 KM.

Napomena:

1. Za spise i radnje iz ovog tarifnog broja plaća se taksa, ako međunarodnim ugovorom nije drukčije uređeno.
2. Strano fizičko ili pravno lice oslobađa se obaveze plaćanja takse po ovom tarifnom broju, pod uslovima reciprociteta.

#### TAR. broj 13.

Za dozvolu obavljanja međunarodnog cestovnog prijevoza stvari, i to:

- 1) *za domaće fizičko ili pravno lice, po svakoj bilateralnoj pojedinačnoj dozvoli 10 KM*
- 2) za stranu fizičku ili pravnu osobu, po svakoj dozvoli 50 KM

3) *za domaće fizičko ili pravno lice po svakoj dozvoli s višekratnom upotrebom:*

- *dozvola I kategorije 1000 KM*
- *dozvola II kategorije 500 KM*
- *dozvola III kategorije 250 KM*

Napomena:

1. Za spise i radnje iz ovog tarifnog broja plaća se taksa, ako međunarodnim ugovorom nije drukčije uređeno.
2. Strana fizička ili pravna osoba oslobađa se obaveze plaćanja takse po ovom tarifnom broju pod uslovima reciprociteta.

TAR. broj 14.

Za registrovanje - ovjeru jednog primjerka reda vožnje međuentitetske autobuske linije 20 KM

Za ovjeru svakoga drugog priloga 10 KM

Za rješenje o odobravanju reda vožnje međuentitetske autobuske linije 50 KM

TAR. broj 15.

Za rješenje, po zahtjevu za dozvolu izvanrednog prijevoza stvari u međunarodnom cestovnom transportu, i to:

- 1) u bilateralnom prijevozu, za prijevoz jednim vučnim vozilom 30 KM
- 2) za svako sljedeće vučno vozilo, po istom rješenju 20 KM
- 3) u tranzitnom prijevozu, za prijevoz jednim vučnim vozilom 60 KM
- 4) za svako sljedeće vučno vozilo, po istom rješenju 30 KM

TAR. broj 16.

Za rješenje kojim se stranoj fizičkoj i pravnoj osobi odobrava obavljanje unutarnjeg prijevoza stvari u cestovnom transportu, između pojedinih mjesta u Bosni i Hercegovini 90 KM

TAR. broj 17.

Za rješenje kojim se određuje ime, oznaka i pozivni znak broda:

- 1) domaćoj pravnoj ili fizičkoj osobi 2.000 KM
- 2) stranoj pravnoj ili fizičkoj osobi 3.000 KM

TAR. broj 18.

Za odobravanje, stranoj pravnoj ili fizičkoj osobi uplovljavanje u plovne puteve unutrašnjih i pomorskih voda Bosne i Hercegovine 3.000 KM

TAR. broj 19.

Za odobravanje stranom pravnom ili fizičkom licu, upisa broda u Upisnik brodova:

- 1) manje od 2.000 NRT 500 KM
- 2) od 2.000 do 5.000 NRT 750 KM
- 3) od 5.000 do 15.000 NRT 1.000 KM
- 4) od 15.000 do 30.000 NRT 1.500 KM
- 5) od 30.000 do 50.000 NRT 2.000 KM
- 6) više od 50.000 NRT 3.000 KM

TAR. broj 20.

Za dozvolu, stranoj pravnoj ili fizičkoj osobi, obavljanje kabotažnih prijevoza putnika i stvari po unutrašnjim plovnim putevima i plovnom putu na moru Bosne i Hercegovine 2.500 KM

TAR. broj 21.

Za rješenje kojim se odobrava prvi upis plovnih objekata unutrašnje i pomorske plovidbe u registar brodova, odnosno očevidnik:

- 1) za brodove, tegljače, potiskivače, putničke, mješovite brodove, tehničke brodove i druge plovne objekte 500 KM
- 2) za ostale plovne objekte, izuzev čamaca 350 KM
- 3) za čamce i plutajuće objekte 150 KM

Napomena:

Taksa po ovome tarifnom broju ne plaća se plovna javna plovila koja isključivo služe za službenu javnu svrhu.

TAR. broj 22.

Za rješenje o upisu i brisanju iz registracije brodova unutrašnje i pomorske plovidbe 500 KM

## **7. Putne isprave i državljanstvo**

TAR. broj 23.

Za zahtjeve za izdavanje putne isprave od strane Ministarstvo civilnih poslova 5 KM

TAR. broj 24.

Za zahtjev za izdavanje službenog pasoša 10 KM

TAR. broj 25.

Za zahtjev za prestanak državljanstva Bosne i Hercegovine izjavom o odricanju od državljanstva Bosne i Hercegovine 800 KM KM

Napomena

1. Taksa iz ovoga tarifnog broja plaća se u Bosni i Hercegovini u KM po službenom kursu na dan uplate.
2. Za članove uže porodice - bračni par i djeca, plaća se jedna taksa, a za punoljetnu djecu preko 23 godine starosti potrebno je dostaviti dokaze da su nezaposleni ili na redovnom školovanju.

## 8. Vanjska trgovina

TAR. broj 26.

Na izdana rješenja o registraciji stranih ulaganja član 5. tačka a. (Zakona o politici direktnih stranih ulaganja - "Službeni glasnik BiH", broj 17/98) iznos takse od 50 KM

TAR. broj 27.

Na rješenja za carinjenje robe bez prelaska carinske linije (član 9. tačka 3. Zakona o vanjskotrgovinskoj politici - "Službeni glasnik BiH", broj 7/98) iznos takse od 50 KM

TAR. broj 28.

Na izdata uvjerenja o porijeklu proizvoda član 8. tačka 3. (Zakona o vanjskotrgovinskoj politici - "Službeni glasnik BiH", broj 7/98) iznos takse od 10 KM

## II - TAKSA NA SPISE I RADNJE DIPLOMATSKIH I KONZULARNIH PREDSTAVNIŠTAVA BOSNE I HERCEGOVINE

TAR. broj 29.

Za molbe i druge podneske diplomatskih i konzularnih predstavništava Bosne i Hercegovine (u daljem tekstu: DKP BiH) 10 DM

Napomena:

Taksa po ovome tarifnom broju plaća se za svaku upravnu radnju na zahtjev taksenog obveznika, ako za tu radnju nije propisana posebna taksa.

TAR. broj 30.

Za putne isprave koje izdaju DKP BiH:

- 1) Za izdavanje putne isprave - pasoša 180 DM
- 2) Za izdavanje duplikata putne isprave - pasoša 360 DM
- 3) Za izdavanje putne isprave - pasoša za dijete 90 DM
- 4) Za izdavanje duplikata putne isprave za dijete 180 DM
- 5) Za izdavanje putnog lista 30 DM
- 6) Za upisivanje djeteta u pasoš roditelja 90 DM
- 7) Za upisivanje djeteta u putni list djeteta 15 DM

Napomena:

Osobe koje imaju izbjeglički status plaćaju 50% propisane takse.

TAR. broj 31.

Za vize koje izdaju DKP BiH:

- 1) Za izdavanje jednokratne ulazno-izlazne ili tranzitne vize 20 DM
- 2) Za izdavanje višekratne ulazno-izlazne ili tranzitne vize do 90 dana 50 DM
- 3) Za izdavanje višekratne ulazno-izlazne ili tranzitne vize preko 90 dana 70 DM

TAR. broj 32.

Za sastavljanje oporuke u DKP BiH:

- 1) U prostorijama DKP BiH 100 DM
- 2) Izvan prostorija predstavništva 200 DM
- 3) Za sastavljanje akta o opozivu oporuke ili davanje nasljedničke izjave 50 DM

TAR. broj 33.

Za svaki prijepis ili fotokopiju, načinjenu u DKP BiH s ovjerom:

- 1) Za prvu stranu 10 DM
- 2) Za svaku dalju stranu 5 DM

TAR. broj 34.

Za ovjeru potpisa na ispravi:

- 1) Za ovjeru potpisa građanina ili pravnog lica na ispravi 20 DM
- 2) Za ovjeru potpisa roditelja na punomoćju 30 DM

Napomena:

Taksa po ovom tarifnom broju plaća se za ovjeru svakog potpisa na ispravi izuzev ovjera potpisa roditelja.

TAR. broj 35.

Za ovjeru izjave sačinjene od strane DKP BiH:

- 1) Izjava 50 DM
- 2) Izjava o priznavanju očinstva 100 DM

TAR. broj 36.

Za ovjeru potpisa na zahtjev za prijem u državljanstvo Bosne i Hercegovine 600 DM

TAR. broj 37.

Za ovjeru potpisa na zahtjevu za otpust iz državljanstva Bosne i Hercegovine 150 EURA

TAR. broj 38.

Za izjavu o odricanju iz državljanstva Bosne i Hercegovine 250 EURA

TAR. broj 39.

Za uvjerenja, potvrde, izvode iz matičnih knjiga ili sprovodnice za prijenos umrlog lica, koje izdaje DKP BiH, ako nije drugačije propisano 50 DM

### III - TAKSE NA SPISE I RADNJE ZA STICANJE I ODRŽAVANJE PRAVA INDUSTRIJSKOG VLASNIŠTVA

#### **1. Patent**

TAR. broj 40.

- a) Za prijavu patenta 5,00 KM
- b) Za svaku stranicu sadržine prijave preko trideset stranica 1,00 KM
- c) Za svaki patentni zahtjev preko desetog 1,00 KM

Napomena:

- a) *Fizička lica - podnosioci prijave, koji su ujedno pronalazači, plaćaju taksu iz ovog tar.broja u iznosu umanjenom za 50%*
- b) *članovi Saveza inovatora BiH (SIBIH) ne plaćaju taksu iz ovog tar.broja.*

*TAR.broj 41.*

*Za zahtjev za potpuno ispitivanje prijave patenta 50,00 KM*

*Napomena:*

*Postupanje po zahtjevu iz ovog tarifnog broja uslovljeno je obaveznim prethodnim osiguranjem izjave o stanju tehnike.*

*TAR.broj 42.*

*Za dodjelu patenta prema članu 41. Zakona o industrijskom vlasništvu u Bosni i Hercegovini (patent sa skraćenim trajanjem) 20,00 KM*

*Za dodjelu patenta prema članu 41. Zakona o industrijskom vlasništvu u Bosni i Hercegovini 30,00 KM*

*TAR.broj 43.*

*Za održavanje patenta:*

- a) *I. godina 5,00 KM*
- b) *II. godina 5,00 KM*
- c) *III. godina 10,00 KM*
- d) *IV. godina 18,00 KM*
- e) *V. godina 20,00 KM*
- f) *VI. godina 22,00 KM*
- g) *VII. godina 24,00 KM*
- b) *VIII. godina 26,00 KM*
- i) *IX. godina 28,00 KM*
- j) *X. godina i svaka sljedeća do XX. 30,00 KM*

*Napomena:*

- a) *Fizička lica-podnosioci prijave, koji su ujedno i pronalazači, plaćaju takse iz ovog tar.broja u iznosu umanjenom za 50%.*
- b) *Godišnja taksa iz ovog broja počinje teći danom podnošenja prijave, a uplaćuje se prije početka 12-mjesečnog perioda na koji se odnosi.*
- c) *Ako godišnja taksa iz ovog tar.broja nije plaćena u roku, može se platiti u naknadnom 6-mjesečnom roku, i to u iznosu redovne takse uvećane za 50%.*

*TAR.broj 44.*

*Za rješenje po zahtjevu:*

- a) *za upis u registar prijenosa prava ili licence 30,00 KM*
- b) *za upis ostalih promjena u registar 15,00 KM*

*TAR.broj 45.*

*Za zahtjev za prestanak patenta u slučaju nekoristenja 50,00 KM*

*Za prijedlog za oglašavanje ništavnim rješenja o priznanju patenta 100,00 KM*

*TAR.broj 46.*

*Za prijedlog za utvrđivanje da je dopunska postala osnovna prijava patenta, odnosno da je dopunski patent postao osnovni patent 20,00 KM*

*TAR.broj 47.*

*Za zahtjev za pretvaranje prijave industrijskog dizajna u prijavu patenta, odnosno za pretvaranje prijave patenta u prijavu industrijskog dizajna 5,00 KM*

*TAR.broj 48.*

*Za zahtjev za prekoredno objavljivanje prijave patenta 20,00 KM*

*TAR.broj 49.*

*Za određivanje MKP broja (Međunarodna klasifikacija patenta) 5,00 KM*

## **2. Žig**

*TAR.broj 50.*

*1. Za prijavu žiga:*

- a) *osnovna taksa 20,00 KM*



b) dodatna taksa, za svaku klasu roba i usluga preko tri klase međunarodne klasifikacije roba i usluga utvrđene Ničanskim aranžmanom (Ničanska klasifikacija) 1,00 KM

2. Za zahtjev za međunarodnu registraciju žiga 20,00 KM

Napomena:

Za prijavu kolektivnog žiga taksa iz ovog tar.broja plaća se u dvostrukom iznosu.

TAR.broj 51.

Za uređenje prijave žiga, ako robe i usluge nisu klasificirane prema Ničanskoj klasifikaciji:

a) po klasi 2,00 KM

b) po naznaci robe i usluge 1,00 KM

TAR.broj 52.

Za zahtjev za razdvajanje prijave žiga 20,00 KM

Za zahtjev za razdvajanje žiga 40,00 KM

TAR.broj 53.

Za održavanje prava na žig, za period od 10 godina:

a) osnovna taksa 30,00 KM

b) dodatna taksa, za svaku klasu roba i usluga preko tri klase Ničanske klasifikacije 2,00 KM

Napomena:

1. Za održavanje prava na kolektivni žig taksa iz ovog tarifnog broja plaća se u dvostrukom iznosu.

2. Ako taksa iz ovog tarifnog broja nije plaćena u zakonskom roku, može se platiti u roku od šest mjeseci nakon isteka datuma važenja žiga i to u iznosu redovne takse uvećane za 50%.

TAR.broj 54.

Za rješenje po zahtjevu za upis u registar, i to:

a) promjene koje se odnose na žig (prijenos prava, statusne promjene oblika organiziranja nastale kod podnosioca prijave, odnosno nosioca žiga, sticatelja licence, franšize, odnosno zalogoprimaoca, ograničenje popisa roba i usluga) 15,00 KM

b) upis licence, podlicence, franšize, zaloga, prinudno izvršenje 20,00 KM

TAR.broj 55.

Za rješenje po zahtjevu:

- a) *za oglašavanje ništavnim rješenja o priznanju žiga* 100,00 KM
- b) *za prestanak žiga zbog nekorištenja* 50,00 KM

TAR.broj 56.

*Za zahtjev za ponovni upis žiga u registar* 20,00 KM

### **3. Industrijski dizajn**

TAR.broj 57.

*Za prijavu industrijskog dizajna:*

- a) *osnovna taksa* 20,00 KM
- b) *dodatna taksa, za svaki industrijski dizajn kod višestruke prijave* 10,00 KM

TAR.broj 58.

*Za održavanje važenja industrijskog dizajna za period od 10 godina:*

- a) *za jedan industrijski dizajn* 60,00 KM
- b) *za svaki sljedeći industrijski dizajn, kod višestruke prijave* 20,00 KM

TAR.broj 59.

*Za rješenje po zahtjevu:*

- a) *za upis prijenosa prava ili licence u registre* 20,00 KM
- b) *za upis ostalih promjena u registre* 15,00 KM

TAR.broj 60.

*Za prijedlog za oglašavanje rješenja o priznanju industrijskog dizajna* 100,00 KM

### **4. Geografska oznaka**

TAR.broj 61.

*Za upis u registar geografske oznake* 20,00 KM

TAR.broj 62.

*Za upis promjena u registar geografske oznake* 15,00 KM

### **5. Žalba**

TAR.broj 63.

*Za žalbu komisiji za žalbe Instituta 20,00 KM*

## **6. Zastupnici za zaštitu industrijskog vlasništva**

*TAR.broj 64.*

*Stručni ispit za zastupnika 100,00 KM*

*TAR.broj 65.*

*Popravni ispit za zastupnika 50,00 KM*

*TAR.broj 66.*

*Upis u registar zastupnika 50,00 KM*

*Upis promjena podataka u registar zastupnika 15,00 KM*

*TAR.broj 67.*

*Obnavljanje upisa u registru zastupnika, za svaku godinu 25,00 KM*

## **7. Pretraživanje baza podataka**

*TAR.broj 68.*

*Pretraživanje baza podataka prijavljenih i priznatih žigova, po jednom upitu, ukoliko su poznate robe, odnosno usluge ili klase, po identičnosti ukoliko nisu poznate robe, odnosno usluge ili klase, po podnosiocu, odnosno po posebno definiranom upitu 5,00 KM*

*Pretraživanje baza podataka prijavljenih i priznatih žigova, po jednom upitu ukoliko nisu poznate robe, odnosno usluge ili klase 50,00 KM*

*TAR.broj 69.*

*Pretraživanje baza podataka prijave i priznatih патената po jednom kriteriju 5,00 KM*

*TAR.broj 70.*

*Izrada izvještaja o stanju tehnike 30,00 KM*

*TAR.broj 71.*

*Za pretraživanje raspoloživog fonda industrijskog dizajna:*

*a) po zadatom nazivu proizvoda prema Lokarnskoj klasifikaciji za industrijski dizajn 15,00 KM*

*b) po jednom od kriterija 20,00 KM*

## **8. Ostale radnje i spisi**

*TAR.broj 72.*

*Za zaključak po prijedlogu za vraćanje u pređašnje stanje 25,00 KM*

*TAR.broj 73.*

*Za zahtjev za produženje roka koji se određuje u toku postupka 15,00 KM*

*TAR.broj 74.*

*Za izdavanje uvjerenja o pravu prvenstva:*

*a) za jedan primjerak uvjerenja 15,00 KM*

*b) za svaki dodatni primjerak uvjerenja 5,00 KM*

*TAR.broj 75.*

*Za izdavanje izvoda iz registra prijavljenih i priznatih prava:*

*a) za jedan primjerak izvoda 5,00 KM*

*b) za svaki dodatni primjerak izvoda 2,00 KM*

*TAR.broj 76.*

*Za zahtjev za hitno ispitivanje uslova za priznanje prava 50,00 KM*

#### *IV - TAKSE NA SPISE I RADNJE U PODRUČJU CERTIFICIRANJA*

*TAR.broj 77.*

*Za certifikate i potvrde o usklađenosti proizvoda 45,00 KM*

*TAR.broj 78.*

*Za odobrenje za korištenje znaka usklađenosti proizvoda 30,00 KM*

*TAR.broj 79.*

*Za rješenje o ovlaštenju lica za obavljanje poslova ispitivanja, certificiranja i inspekcije proizvoda 40,00 KM*

#### *V - TAKSE NA SPISE I RADNJE U PODRUČJU MJERITELJSTVA*

*TAR.broj 80.*

*Za potvrdu o ispunjavanju mjeriteljskih i drugih uslova za mjerila 70,00 KM*

*TAR.broj 81.*

*Za rješenje o imenom znaku proizvođača predmeta od plemenitih metala 70,00 KM.*

#### *VI - TAKSE ZA SPISE I RADNJE U PODRUČJU AKREDITIRANJA*

*TAR.broj 82.*

*Za izdavanje akreditacije ili druge isprave kojom se utvrđuje kompetentnost za obavljanje određenih zadataka u području ocjenjivanja usklađenosti 50,00 KM*

**VII. TAKSE NA SPISE I RADNJE U POSTUPKU INDIREKTOG OPOREZIVANJA**

***TAR. broj 83.***

*Za zahtjeve, molbe, prijedloge, prijave, podneske, ako u ovom poglavlju nije propisana druga taksa 5,00 KM*

***TAR. broj 84.***

*Za rješenja i odobrenja koja se donose u redovnom upravnom postupku:*

- a) za odobrenja o otvaranju, proširenju ili preseljenju carinskog skladišta, 100,00 KM*
- b) za odobrenja za carinske postupke s ekonomskim učinkom, 20,00 KM*
- c) za rješenja o izmjeni i dopuni odobrenja za carinske postupke s ekonomskim učinkom, krajnju upotrebu, vanjsku obradu i za pojednostavljene postupke, 10,00 KM*
- d) za rješenja kojima se odlučuje o zahtjevu za izmjenu podataka o količini, vrsti, kvalitetu i vrijednosti robe, te drugih podataka u prijavi 50,00 KM*
- e) za ostala rješenja koja se donose u redovnom upravnom postupku 20,00 KM*
- f) za rješenja i/ili odobrenja koja se donose u skraćenom postupku 10,00 KM*

*Napomena:*

- 1. pod proširenjem carinskog skladišta, prema ovom tarifnom broju, ne podrazumijeva se povećanje asortimana i vrijednosti roba smještenih u već otvorenom skladištu,*
- 2. ako se donosi jedno rješenje i/ili odobrenje po zahtjevu više lica, taksa po ovom tarifnom broju plaća se onoliko puta koliko ima lica kojima se rješenje i/ili odobrenje dostavlja.*

***TAR. broj 85.***

*Za žalbu protiv rješenja 10,00 KM*

*Napomena:*

*Za rješenja po žalbi ne plaća se taksa.*

***TAR. broj 86.***

*Za carinsku prijavu kojom se roba prijavljuje za carinski odobreno postupanje 5,00 KM*

*Napomena:*

- 1. Pod carinskom prijavom iz ovog tarifnog broja podrazumijeva se carinska prijava u smislu carinskih propisa, bilo u pisanom ili elektronskom obliku, uključujući i dodatnu (dopunsku) prijavu i kontrolni primjerak T5, manifest i druge prijave kojim se roba prijavljuje za carinski odobreno postupanje ili upotrebu.*
- 2. Ispravama iz ovog tarifnog broja ne smatra se karnet TIR, karnet ATA i druge isprave propisane međunarodnim konvencijama i/ili sporazumima koje je ratificirala Bosna i Hercegovina.*
- 3. Taksa iz ovog tarifnog broja plaća se svaki put kada se prijava podnosi carinskim organima.*
- 4. Taksa iz ovog tarifnog broja ne plaća se ako se poštanska pošiljka, u postupku prijevoza, upućuje carinskom prijavom određenom carinskom organu.*

**TAR. broj 87.**

*Za carinsku prijavu kojom se roba prijavljuje za carinski postupak izvoza i ponovnog izvoza kojim se razdužuje carinski postupak s ekonomskim učinkom 5,00 KM*

**TAR. broj 88.**

*Za carinsku prijavu i obračun uvoznih dažbina za robu koju putnici nose sa sobom 10,00 KM*

*Napomena:*

*Carinskom prijavom, u smislu ovog tarifnog broja, smatra se i poštansko-carinska deklaracija i carinska prijava kojom se prijavljuju poštanske pošiljke za pravna i fizička lica.*

**TAR. broj 90.**

*Za izdavanje uvjerenja o direktnoj pošiljci 20,00 KM*

**TAR. broj 91.**

*Za obavezujuću informaciju o tarifnom razvrstavanju robe, odnosno obavezujuću informaciju o porijeklu robe, po jednom tarifnom stavu 70,00 KM*

**TAR. broj 92.**

*Za izdavanje odobrenja za status ovlaštenog izvoznika 100,00 KM*

**TAR. broj 93.**

*Za izdavanje propisanog Listu s podacima: INF 1, INF 3, INF 6, INF 7 i INF 8 i uvjerenja o carinskom statusu 20,00 KM*

*Napomena:*

*Taksa iz ovog tarifnog broja ne plaća se ako se izdaje po službenoj dužnosti.*

**TAR. broj 94.**

*Za odobrenje za ispunjenje uvjeta za izgradnju građevinskih objekata u slobodnoj zoni i slobodnom skladištu 100,00 KM*

**TAR. broj 95.**

*Za mišljenje o pravima i obavezama učesnika u postupku prikupljanja indirektnih poreza, koje izdaju organi uprave za indirektno oporezivanje, na zahtjev stranke 50,00 KM*

**TAR. broj 96.**

*Za ostala uvjerenja i potvrde u postupku indirektnog oporezivanja, ako nije drugačije propisano 10,00 KM*

**TAR. broj 97.**

*Za ovjeravanje fotokopije službenih akata ili drugih isprava, da su vjerne originalu 5,00 KM*

**TAR. broj 98.**

*Za ovjeravanje fotokopije službenih akata ili drugih isprava, da su za opomenu kojom se neko poziva da plati dužnu taksu 5,00 KM*

**VIII. TAKSE ZA USLUGE ARHIVA BOSNE I HERCEGOVINE**

**TAR. broj 99.**

*Registratursko sređivanje arhivske građe i izdavanje bezvrijednog registraturskog materijala, u zavisnosti od smještaja, stepena sredenosti, očuvanosti i sl., po dužnom metru 80,00 -100,00 KM*

**TAR. broj 100.**

*Preuzimanje nesređene, nepopisane i rasute građe, po dužnom metru 80,00-100,00 KM*

**TAR. broj 101.**

*Aktivnosti koje nisu obuhvaćene po brutosatru Godišnjim planom rada, a po anagažiranog zahtjevu korisnika za: izradu liste zaposlenika Arhiva kategorija, stručni nadzor i uputstva, vođenje evidencija*

**TAR. broj 102.**

*Prijevod sa stranog jezika istražene arhivske građe, po jednoj stranici 10,00 KM*

**TAR. broj 103.**

*Arhiva iz fondova i zbirke, u upravnim stvarima kao dokazi:*

a) uvjerenja 15,00 KM

b) potvrde i obavještenja 5,00 KM

c) ovjerene kopije 5,00 KM

#### IX. TAKSE ZA SPISE I RADNJE U POSTUPKU JAVNIH NABAVKI

##### ~~TAR. broj 104.~~ -- **brisan**

~~Taksa na podnesak kojim se traži mišljenje o različitim pitanjima primjene Zakona o javnim nabavkama Bosne i Hercegovine 20,00 KM~~

##### **TAR. broj 105.**

Za žalbe protiv odluka upravnih organa u postupku javnih nabavki:

a) za međunarodne vrijednosne razrede 100,00 KM

b) za domaće vrijednosne razrede 50,00 KM

c) ispod domaćih vrijednosnih razreda 20,00 KM

#### X. TAKSE ZA IZDAVANJE OBRAZACA I RADNJE U POSTUPCIMA SA STRANCIMA

##### TAR. broj 106.

a) Za izdavanje lišne karte za stranca 50,00 KM

b) Za izdavanje putnog lista za stranca 50,00 KM

c) Za izdavanje vizе na granici 100,00 KM

d) Za izdavanje odobrenja privremenog boravka 100,00 KM

e) Za izdavanje odobrenja stalnog boravka 200,00 KM

f) Za ovjeru garantnog pisma ili poziva 10,00 KM

g) Za prijavu - odjavu i promjenu adrese boravka stranca 5,00 KM

##### **Napomena:**

Od takse po ovom tarifnom broju za izdavanje odobrenja privremenog boravka i/ili za izdavanje putnog lista za stranca oslobođeni su stranci: žrtve trgovine ljudima koje imaju odobren privremeni boravak iz humanitarnih razloga u BiH ili stranci kojima je odobren izbjeglički status ili humanitarni boravak zbog primjene principa zabrane vraćanja ili privremeni prihvata u slučajevima masovnog priliva ili stranci koji su odustali od zahtjeva za azil u Bosni i Hercegovini ili stranci koji su u postupku izvršenja mjere prisilnog udaljenja iz BiH ukoliko njihove troškove snosi Bosna i Hercegovina.